

НА СТИХОВНЕ

Стихиры воскресны, и по алфавиту:

**Аще же в 24-й день Предпразнства, глас 2
самоподобен «Доме Евфрафов»:**

**Доме Евфрафов,/ граде святыи,/ пророков славо,/ украси
дом// в немже Божественный раждается.**

Стих: Бог от юга приидет, и святыи из горы приосененныя
чаши.

Самогласны:

**Вифлиэме, землэ иудова,/ сущему по плоти жительство
свэтно,/ уготóви Божественный вертеп,/ в немже Бог плоти
тию раждается,/ из неискусомужныя святыя Девы,/ во еже
спасти род наш.**

Стих: Господи, услышах слух Твои, и убояхся: Господи, разумех
дела Твоя, и ужасохся.

**Приидите, вси Христово рождество верно препразднуим, и
мысленне пение, яко звезду прелагаем, волхвов славословия
с пастырьми возопием: прииде спасение человеком, из девственных
ложесн, верныя призывая.**

«Слава» - глас 2. Самогласен: [Киприаново:]

**Радуйтесь пророцы честнии,/ иже закон Господень добре
учини́вше,/ и верою явльшеся непобедимии столпи, и непреклóннии:
вы бо и ходатаи явистеся Новаго Завета Христо́ва,/ и престáвльшеся к небеси́,// Того молити умирити
мир и спасти́ души на́ша.**

И ныне, предпразднства, глас тойже. [Киприаново:]

Се время приближися спасения нашего,/ готовися вертепе, Дева приближается родити:/ Вифлеэме земле Иудова, красуйся и веселіся,/ яко из тебе возсия Господь наш,/ услышите горы и холмі,/ и окрестныя страны Иудейския,/ яко грядёт Христос:/ да спасет егоже созда человека, // яко Человеколюбец.

Аще вне 20-го, «И ныне» - Богородичен, глас 2:

О чудесе новаго всех древних чудес!/ Кто бо позна мать без мужа рождшую,/ и на руку носящую, всю тварь Содержащаго?/ Божие есть изволение Родшееся./ Егоже, яко Младенца, Пречистая,/ Твоима рукама носившая,/ и Матернее дерзновение к Нему имущая,/ не престай молящи о чтущих Тя, // ущедрити и спасти души наша.

На благословении хлебов, тропарь:

Богородице Дево радуйся: [Дважды.]

Тропарь отцев, глас 2:

Вéлия веры исправлénия,/ во истóчнице пламене яко на воде упокоénия,/ святіи трие отроцы рáдовахуся:/ и пророк Даниил львом пастырь яко овцам являшеся./ Тéх молітвами, // Христе Боже, спаси души наша. **[Единожды.]**

Буди имя Господне: трижды, и чтение в толкованиих апостольских.

НА УТРЕНИ, НА «БОГ ГОСПОДЬ»:

Тропарь воскресен, **дважды,**

«Слава» - тропарь отцев, глас 2:

Вéлия веры исправлénия,/ во истóчнице пламене яко на воде
упокоéния,/ святíи трие отроцы рáдовахуся:/ и пророк Даниил
львом пастырь яко овцам явля́шеся./ Тéх моли́твами,// Христе Бо-
же, спаси души на́ша. **[Единожды.]**

И ныне, предпразднства, глас 4:

Готовися Вифлеéме,/ отвэрзися всем Едéме,/ красуйся Ев-
фра́фо,/ я́ко древо живота в вертепе процвете от Дéвы:/ рай бо
Оноя чрево явися мы́сленный,/ в нёмже Божéственный са́д:/ от не-
гоже ядше живи б́удем,/ не я́коже Адам у́мрем.// Христос раждает-
ся прежде падший возставити óбраз.

**Таже обычныя кафисмы. Седальны воскресны, и Богородичны их.
По непорочнах тропари их. И ектения.**

**Степенна и прокимен гласа. Евангелие воскресно, и прочее по ряду.
Воскресение Христово: псалом 50. По 50-м псалме стихира вос-
кресна.**

Ирмосы воскресны, гласа. Катавасия: Христос раждается:

Кондак Предпразднства, глас 1.

Подобен: Лик ангельский:

**Веселися, Вифлеéме,/ Евфра́фо готóвися:/ се бо Агница Пастыря
великаго во утробе нося́щи,/ éже родити тщи́тся./ Егоже зрящи бо-
гоноснии отцы веселя́тся, // с па́стырьми поюще Деву доя́щую.**

Кондак святых отец, глас 6:

**Рукописаннаго образа не почетше, / но Неописанным Существом
защитившеся, трблаженнии, / в подвиге огня прославистеся; /
среде же пламене нестерпимаго стояще, Бога призвасте: / ускори, о
Щедрый! / И потщися, яко Милостив, в помощь нашу, / яко може-
ши хотяй.**